

ները»: Աղբյուրագիտական մեծ արժեք են ներկայացնում XVII—XIX դդ. էրզրումի, Ղարսի, Լանի, Մուշի, Գերբանի, Բիթլիսի և այլ քաղաքների արհեստավորներից և առևտրական դասից դանձնող հարկերի ցուցակները և մեծածախ ու մանրածախ գների ռեկվամենտներն ու հարկային տարիքները, ինչպես նաև մաքսատների, փողեղանոցների և այլ պետական եկամտարքի հատուտութունների վարձակալմանը վերաբերող պայմանագրերն ու պարտավորագրերը: Առանձին ուշադրության արժանի են նաև բերդապահ կայազորների ուժկացուցակներն ու ուժիկների հատուցման հանձնարարագրերը: Մեծ է հատկապես գլխահարկին կամ ջիլլային վերաբերող վավերագրերի նշանակությունը թե՛ հայ ազգաբնակչության վրա դրված հարկային այդ ծանր ու մեծաբանար պարտավորության հարստահարող բնույթի ուսումնասիրության և թե՛ առանձին վարչական միավորների սահմաններում հայության ընդհանուր թիվը պարզելու տեսակետից:

Արխիվում ուրույն տեղ են գրավում Իրանի, Թբիլիսիի և Երևանի ֆոնդերում գրանցված, XVIII դարում օսմանյան զորքերի կողմից Անդրկովկասի և Իրանի հյուսիս-արևմտյան նահանգների նվաճման շրջանի (1724—1736 թթ.), ինչպես նաև 1780-ական թթ. պաշտոնական վավերագրերը, որոնք նոր լույս են սփռում դարաշրջանի պատմության վրա և չտրամադրված կարևոր նորաձևություն ունեն Անդրկովկասի ժողովուրդների ազատագրական շարժումների և Ռուսաստանի հեռավորման համար մղած հերոսական պայքարի պատմության բարձրագույն հարցերի լուսաբանման համար⁵:

«Հանդեսի» էջերում հնարավոր չէ սպառել խոսք ասել հիշյալ ֆոնդերի՝ Արևելյան Հայաստանին վերաբերող բոլոր արխիվային միավորների մասին: Ստորև կփորձենք բնութագրել միայն 1724—1736 թթ. նվաճումների շրջանի վավերագրերը՝ կանգ առնելով հատկապես Արարատյան երկրում իւրրբական իշխանությունների ռազմաքաղաքական և ֆինանսահարկային համակարգի առանձնահատկությունների լուսաբանմանը նպաստող առավել կարևոր մի քանի վավերագրերի վրա:

Այս ֆոնդերի ընդհանուր բնութագրեր տալիս հատկանշական պետք է համարել այն փաստը, որ այնտեղ գրանցված վավերագրերը վերաբերում են օսմանյան զորքերի կողմից տարբեր ժամանակամիջոցներում նվաճված Թբիլիսին, Երևանին, Նախիջևանին, Օրդուբադին, Գանձակին, Շամախուն և շրջակա վայրերին, իսկ Ղարաբաղին ու Զանգեզուրին վերաբերող մեկ փաստաթուղթ անգամ գոյություն չունի: Իսկ դա հաստատում է այն իրողությունը, որ շնայած բազմապատիկ դերազանց ուժերին, նվաճողներին չի հաջողվել տեղականորեն ընկճել Աղնախների և Ղափանի գինապատ հայության հերոսական դիմադրությունը և թափանցել Սյունյաց և Արցախի ներքին գաղտնիքը: Ուշագրավ է նաև, որ Օրդուբադին վերաբերող վավերագրերի առկայությունը և հից գտնվող Մեղրուն և շրջակայքին վերաբերող վավերագրերի իսպառ բացակայությունը զալիս է հավաստելու Դավիթ-Բեկի պատմության որոշակի վկայությունը այն մասին, որ 1727 թ. Մեղրին գրապած օսմանյան զորքերին չախաջախիչ պարտության մատնելուց, կոտորելուց և Մեղրու բնրդը գրավելուց հետո Դավիթ-Բեկի զինվորները այրել ու ոչնչացրել են նաև չտարբական օկուպացիոն իշխանությունների կազմած Մեղրու և մոտակա շրջանների հարկացուցակները⁶:

Արևելյան Հայաստանին վերաբերող վավերագրերի բնութագրության մեջ առաջին հերթին անհրաժեշտ է ընդգծել գրանց բացառիկ նշանակությունը որպես օսմանյան իշխանությունների որոշակի նվաճողական նկրտումների և նվաճված վայրերի բնակչության նկատմամբ կիրառվող հանատարած կողոպուտի և հարստահարության հետևողական քաղաքականության մասին վկայող անհերքելի փաստաթղթեր: Այս առումով հատկանշական է հիբերթի 1135 թ. շաբան ամսի 29-ին

⁵ Առկա են սահմանամերձ էալիթների փաշաների՝ Անդրկովկասի քաղաքական իրավիճակի մասին Արքունի դռանը ներկայացված մանրամասն զեկուցադրեր, որոնց մեջ ուշագրավ տվյալներ կան Հնրակի II-ի կամ սահմանամերձ խանությունների ու ռուսական արքունիքի միջև տեղի ունեցող բանակցությունների, Գաղստանի թուրքամետ իշխողների միջոցով օսմանյան զործակալների ծավալված հակառուսական ախրիվ գործունեության վերաբերյալ: Ուշադրության արժանի են նաև խաներին հղված գրությունների պատճեններն ու դրանց պարսկերեն նպատախանների բնագրերը և այլ փաստաթղթեր: Նախատեսված է առաջիկայում առանձին ուսումնասիրության ենթարկել վավերագրերի այս խումբը և տպագրության պատրաստել մի քանի առավել արժեքավոր վավերագրերի բնագրերն ու թագմանությունները:

⁶ Դավիթ բեկ կամ «Պատմութիւն Ղափանցոց», աշխատասիրեց Հ. Սամուել վրդ. Արամյան. Վենետիկ, Ս. Ղազար, 1978, էջ 172—173 «...գրեան հարկահանին բացին և անդ երեսուն և երկու հազար թուղթս հարկաց գտին և զայն ամենայն ի հուր այրեցին»: